


清·彭定求

全唐詩

柒



延边人民出版社

全唐詩

[清] 彭定求 等編

⑦

延邊人民出版社

全唐诗卷三百五十二

柳宗元

登柳州峨山

荒山秋日午，独上意悠悠。如何望乡处，西北是融州。

得卢衡州书因以诗寄

临蒸且莫叹炎方，为报秋来雁几行。林邑东回山似戟，牂牁南下水如汤。蒹葭淅沥含秋雾，橘柚玲珑透夕阳。非是白蘋洲畔客，还将远意问潇湘。

答刘连州邦字

连璧本难双，分符刺小邦。崩云下滴水，劈箭上淅江。负弩啼寒狖，余救切，鸣炮惊夜獐。遥怜郡山好，谢守但临窗。

岭南江行

瘴江南去入云烟，望尽黄茆是海边。山腹雨晴添象迹，潭心日暖长蛟涎。射工巧伺游人影，飓母偏惊旅客船。从此忧来非一事，岂容华发待流年。

柳州峒氓

郡城南下接通津，异服殊音不可亲。青箬裹盐归峒客，绿荷包饭趁虚人。岭南人呼市为虚。鹅毛御腊缝山罽，鸡骨占年拜水神。愁向公庭问重译，欲投章甫作文身。

酬徐二中丞普宁郡内池馆即事见寄

鹧鸪念旧行，虚馆对芳塘。落日明朱槛，繁花照羽觞。泉归沧海近，树入楚山长。荣贱俱为累，相期在故乡。

酬贾鹏山人郡内新栽松寓兴见赠二首

芳朽自为别，无心乃玄功。夭夭日放花，荣耀将安穷。青松遗涧底，擢峙兹庭中。积雪表明秀，寒花助葱茏。贞幽夙有慕，持以延清风。

无能常闭阁，偶以静见名。奇姿来远山，忽似人家生。劲色不改旧，芳心与谁荣。喧卑岂所安，任物非我情。清韵动竿瑟，谐此风中声。

种柳戏题

柳州柳刺史，种柳柳江边。谈笑为故事，推移成昔年。垂阴当覆地，耸干会参天。好作思人树，惭无惠化传。

柳州二月榕叶落尽偶题

宦情羁思共凄凄，春半如秋意转迷。
山城过雨百花尽，榕叶满庭莺乱啼。

浩初上人见贻绝句欲登仙人山在柳州因以酬之

珠树玲珑隔翠微，病来方外事多违。
仙山不属分符客，一任凌空锡杖飞。

雨中赠仙人山贾山人即贾鹏也

寒江夜雨声潺潺，晓云遮尽仙人山。
遥知玄豹在深处，下笑羈絆泥涂间。

别舍弟宗一

零落残红一作魂倍黯然，双垂泪越江边。
一身去国六千里，万死投荒十二年。
桂岭瘴来云似墨，洞庭春尽水如天。
欲知此后相思梦，长在荆门郢树烟。

奉和周二十二丈，酬郴州侍郎衡江夜泊得韶州书，并附当州生黄茶一封，率然成篇代章之作

丘山仰德耀，天路下征骖。梦喜三刀近，书嫌五载违。
凝情江月落，属思岭云飞。会入司徒府，还邀周掾归。

殷贤戏批书后寄刘连州并示孟仑二童

自注：家有右军书，每纸背虞翼题云：王会稽六纸，二月三十日。

书成欲寄庾安西，纸背应劳手自题。
闻道近来诸子弟，临池寻已厌家

鸡。

重赠二首

闻道将雏向墨池，刘家还有异同词。
《汉书》：刘歆以左丘明公穀详略难父向，向不能非。如今试遣隈墙问，已道世人那得知。

世上悠悠不识真，姜芽尽是捧心人。
若道柳家无子弟，往年何事乞西宾。
子厚尝为刘写《西京赋》。

叠前

小学新翻墨沼波，羨君琼树散枝柯。
左家弄玉唯娇女，空觉庭前鸟迹多。

叠后

事业无成耻艺成，南宫起草旧生名。
公与梦得尝同为礼部员外郎。劝君火急添功用，趁取当时二妙声。

铜鱼使赴都寄亲友自注：岭南支郡无纲官，考典帐典等悉附都府至京

行尽关山万里馀，到时间并是荒墟。
附庸唯有铜鱼使，此后无因寄远书。

韩漳州书报彻上人亡因寄二绝

早岁京华听越吟，闻君江海分逾深。
他时若写兰亭会，莫画高僧支道林。

频把琼书出袖一作衲中，独吟遗句立秋风。
桂江日夜流千里，挥泪何时到甬东。

柳州城西北隅种柑树

手种黄柑二百株，春来新叶遍城隅。方同楚客怜皇树，《楚词》，后皇嘉树，橘来服兮，受命不迁，生南国兮。不学荆州利木奴。几岁开花闻喷雪，何人摘实见垂珠。若教坐待成林日，滋味还堪养老夫。

闻彻上人亡寄侍郎杨丈

东越高僧还姓汤，几时琼佩触鸣珰。空花一散不知处，谁采金英与侍郎。

段九秀才处见亡友吕衡州书迹

交侣平生意最亲，衡阳往事似分身。袖中忽见三行字，拭泪相看是故人。

柳州寄京中亲故

林邑山连瘴海秋，泔河水向郡前流。劳君远问龙城地，正北三千到锦州。

种木榭花

上苑年年占物华，飘零今日在天涯。只因长作龙城守，剩种庭前木榭花。柳州，龙城郡。

摘樱桃赠元居士，时在望仙亭南楼与朱道士同处

海上朱樱赠所思，楼居况是望仙时。蓬莱羽客如相访，不是偷桃一小儿。

酬曹侍御过象县见寄象县，柳州县名。

破额山前碧玉流，骚人遥驻木兰舟。《述异记》；七里州中有鲁班刻木兰为舟，至今在洲中，诗家云木兰舟。出此。春风无限潇湘意一作忆，欲采蘋花不自由。

法华寺石门精舍三十韵集有记云：寺居永州，地最高。

拘情病幽郁，旷志寄高爽。愿言怀名缙，东峰旦夕仰。始欣云雨霁，尤悦草木长。道同有爱弟，披拂恣心赏。松溪涵胡了切窳土了切人，石栈缘绿上。萝葛一作葛绵层薨，莓苔侵标榜。密林互对耸，绝壁严双敞。壑峭出蒙笼，墟险一作岨临混漾。稍疑地脉断，悠若天梯往。结构罩群崖，回环驱万象。小劫不逾瞬，大千若在掌。体空得化元，观有遗细想。喧烦因蟻蠓，局踏疲魍魉。寸进谅何营，寻直非所枉。探奇极遥瞩，穷妙闾清响。理会方在今，神开庶殊曩。兹游苟不嗣，浩气竟谁养。道异诚所希，名宾匪余仗。超摅藉外奖，俯默有内朗。鉴一作铍尔揖古风。终焉乃吾党。潜躯委鞶锁，高步谢尘坱。蓄志徒为劳，追踪将焉仿。淹留值颓暮，眷恋睇遐壤。映日雁联轩，翻云波泱泱。殊风纷已萃，乡路悠且广。羈木畏漂浮，离旌倦摇荡。昔人叹违一作违志，出处今已两。何用期所归，浮图有遗像。幽蹊不盈尺，虚室有函丈。微言信可传，申旦稽吾颡。

游朝阳岩遂登西亭二十韵

滴弃殊隐沦，登陟非远郊。所怀缓伊郁，巨欲肩夷巢。高岸瞰清江，幽窟潜神蛟。开旷延阳景，回薄攢林梢。西亭构其巅，反宇临呀虚。牙切庠许交，一作哮。背瞻星辰兴，下见云雨交。惜非吾乡土，得以荫菁茆。羈贯与卯同，去江介，世仕尚函嶠。故墅即澧川，数亩均肥饶。台馆葺荒丘，池塘疏沉坳。会有圭组恋，遂贻山林嘲。薄躯信无庸，琐悄剧刀筲。囚居固其宜，厚差久已包。庭除植蓬艾，隳同隙牖悬蠹蛸。所赖山川客，扁舟枉长梢。梢，船尾木。挹流敌清觞，掇野代嘉肴。适道有高言，取乐非弦匏。逍遥屏幽昧，淡薄辞喧呶。晨鸡不余欺，风雨闻嘒嘒音交。再期永日闲，提挈移中庖。

湘口馆潇湘二水所会

九疑浚倾奔，临源委紫回。会合属空旷，泓澄停风雷。高馆轩霞表，危楼临山隈。兹辰始澄直，凌切霁，纤云尽褰开。天秋日正中，水碧无尘埃。杳杳渔父吟，叫叫羈鸿哀。境胜岂不豫，虑分固难裁。升高欲自舒，弥使远念来。归流驶且广，泛舟绝沿洄。

登蒲州石矶望横江口潭岛深迥斜对香零山山在永州

隐忧倦永夜，凌雾临江津。猿鸣稍已疏，登石娱清沦。日出洲渚静，澄明晶一作晶无垠。浮晖翻高禽，沉景照文鳞。双江汇西奔，诡怪潜坤珍。孤山乃北峙，森爽栖灵神。洄潭或动容，岛屿疑摇振之人切。陶埴兹择土，

蒲鱼相与邻。信美非所安，羈心屡逡巡。纒即纒字结良可解，纾郁亦已伸。高歌返故室，自谓非所欣。

南碕中题

秋气集南碕，独游亭午时。回风一萧瑟，林影久参差。始至若有得，稍深遂忘疲。羈禽响幽谷，寒藻舞沦漪。去国魂已远，一作游，怀人泪空垂。孤生易为感，失路少所宜。索寞竟何事，徘徊只自知。谁为后来者，当与此心期。

游石角过小岭至长乌村

志适不期贵，一作不自期，道存岂一作贵偷生。久忘上封事，复笑升天行。窜逐宦湘浦，摇心剧悬旌。始惊陷世议，终欲逃天刑。岁月杀色界，切忧栗，慵疏寡将迎。追游疑所爱，且复舒吾情。石角恣幽步，长乌遂遐征。磴回茂树断，景晏寒川明。旷望少行人，时闻田鹤鸣。风篁冒水远，霜稻侵山平。稍与人事闲，益知身世轻。为农信可乐，居宠真虚荣。乔木馀故国，愿言果丹诚。四支反田亩，释志东皋耕。

与崔策登西山策字符，集有送崔九序。

鹤鸣楚山静，露白秋江晓。连袂度危桥，紫回出林杪。西岑极远目，毫末皆可了。重叠九疑高，微茫洞庭小。迥穷两仪际，高出万象表。驰景泛颓波，遥风递寒筱。谪居安所习，稍厌从纷扰。生同胥靡遗，寿比彭铿夭。蹇连困颠踣，愚蒙怯幽眇。非令亲爱疏，谁使心神悄。偶兹遁山水，得以观鱼

鸟。吾子幸淹留，缓我愁肠绕。

构法华寺西亭

窞身楚南极，山水穷险艰。步登最高寺，萧散任疏顽。西垂下半绝，欲似窥人寰。反如在幽谷，榛翳不可攀。命童恣披翦，葺宇横断山。割一作剗如判清浊，飘若升云间。远岫攒众顶，澄江抱清湾。夕照临轩墮，栖鸟当我还。菡萏溢嘉色，筼筻遗清斑。神舒屏羈锁，志适忘幽孱。弃逐久枯槁，迄今始开颜。赏心难久留，离念来相关。北望问亲爱，南瞻杂夷蛮。置之勿复道，且寄须臾闲。

夏夜苦热登西楼

苦热中夜起，登楼独褰衣。山泽凝暑气，星汉湛光辉。火晶燥露滋，壅静停风威。探汤汲阴井，炆灶开重扉。凭阑久徬徨，流汗不可挥。莫辩亭毒意，仰诉曦与玃。凉非姑射子，静胜安能希。

觉衰

久知老会至，不谓便见侵。今年宜未衰，稍已来相寻。齿疏发就种，音踵奔走力不任。咄此可奈何，未必伤我心。彭聃安在哉，周孔亦已沉。古称寿圣人，曾不留至今。但愿得美酒，朋友常共斟。是时春向暮，桃李生繁阴。日照天正绿，一作碧，杳杳归鸿吟。出门呼所亲，扶杖登西林。高歌足自快，商颂有遗音。

游南亭夜还叙志七十韵

夙抱丘壑尚，率性姿游遨。中为

吏役牵，十祀空悵劳。外曲徇尘辙，私心寄英髦。进乏廊庙器，退非乡曲豪。天命斯不易，鬼责将安逃。屯难果见凌，剥丧宜所遭。神明一作期固浩浩，众口徒嗷嗷。投迹山水地，放情咏离骚。再怀曩岁期，容与驰轻舠。虚馆背山郭，前轩面江皋。重叠间浦澳，逶迤驱岩岊牛刀切。积翠浮澹艳，始疑负灵鳌。丛林留冲飙，石砌迎飞涛。旷朗开景霁，樵苏远相号。澄潭涌沉鸥，半壁跳悬猱。鹿鸣验食野，鱼乐知观濠。孤赏诚所悼，暂欣良足褒。留连俯楹槛，注我壶中醪。朵颐进芟实，擢手持蟹螯。炊稻视爨鼎，脍鲜闻一作闷操刀。野蔬盈倾筐，颇杂池沼笔。缅慕鼓椎翁，啸咏哺其糟。退想于陵子，三咽资李膺。斯道难为偕，沉忧安所韬。曲渚怨鸿鹄，环洲雕兰草音皋。暮景回西岑，北流逝滔滔。徘徊遂昏黑，远火明连艘。木落寒山静，江空秋月高。敛袂戒还徒，善游矜所操。趣浅戢长楸，乘深屏轻篙。旷望援深竿，哀歌叩鸣舳。中川恣超忽，漫若翔且翱。淹泊遂所止，野风自夙夙夙。洞急惊鳞奔，蹊荒饥兽噪。入门守拘繫，凄感增郁陶。慕士情未忘，怀人首徒搔。内顾乃无有，德輶甚鸿毛。名窃入自欺，食浮固云叨。问牛悲爨灶，说音税馘惊临牢。永遁刀笔吏，宁期簿书曹。中兴遂群物，裂壤分鞬居言切囊音皋。岷凶既云捕，谓刘辟伏诛。吴虏亦已麤。李铸伊咎。捍御盛方虎，谩明富伊咎。披山穷木禾，驾海逾蟠桃。重来越裳雉，再返西旅獒。左右抗槐棘，纵横罗雁羔。三一作五辟咸建有，众生均覆焘。安得奉皇灵，在有解天拽拽音叨。归诚慰松梓，陈力

开蓬蒿。卜室有鄂杜，名田占澧潏。石
 谿近余基，阿城连故濠。螟蛉愿亲
 燎，荼萑甘自薶膏。饥食期农耕，寒
 衣俟蚕缲。及盱下患切足为温，满腹
 宁复饔。安将蒯及菅音奸，谁慕梁与
 膏。弋林毆雀鹑，渔泽从鳅魠。观象
 嘉素履，陈诗谢干旄。方托麋鹿群，敢
 同骐骥槽。处贱无溷浊，固穷匪淫慆。
 踉跄辞束缚，悦怪换煎熬。登年徒一
 作从负版，兴役趋代髻音辜。目眩绝
 浑浑，耳喧息嘈嘈。兹焉毕余命，富贵
 非吾曹。长沙哀纠缠，汉阴嗤桔槔。
 苟伸击壤情，机事息秋膏。海务多蒹
 郁，越同饶腥臊。宁唯迫魑魅，所惧齐
 熬音蒿。知荇怀褚中，范叔恋绨袍。
 伊人不可期，慷慨徒切切。

韦道安道安尝佐张建封于徐州，及军
 乱而道安自杀。

道安本儒士，颇擅弓剑名。二十
 游太行，暮闻号哭一作哭泣声。疾驱
 前致问。有叟垂华缨。言我故刺史，
 失职还西京。偶为群盗得，毫缕无余
 赢。贷财足非吝，二女皆娉婷。苍黄
 见驱逐，谁识死与生。便当此殒命，
 休复事晨征。一闻激高义，皆裂肝胆横。
 挂弓问所往，赳捷超峥嵘。见盗寒硎
 阴，罗列方忿争。一矢毙酋帅，余党号
 且惊。麾令递束缚，纆一作缠索相挂
 撑。彼妹久褫魄，刃下俟诛刑。却立
 不亲授，谕以从父行。捃收自担肩，
 转道趋道程。夜发敲石火。山林如昼
 明。父子更抱持，涕血纷交零。顿首
 愿归货，纳女称舅甥。道安旧衣去，义
 重利固轻。师婚古所病，合姓非用兵。
 揭来事儒术，十载所能逞必贞切。慵

慨张徐州，徐泗濠节度使张建封。朱
 邸扬前旌。投躯获所愿，前马出王城。
 贞元十三年，建封来朝，道安从之。辘
 门立奇士，淮水秋风生。君侯既即世，
 麾下相敬倾。立孤抗王命，钟鼓四野
 鸣。横溃非所壅，逆节非所婴。举头
 自引刃，顾义谁顾形。烈士不忘死，所
 死在忠贞。咄嗟徇权子，翕习犹趋荣。
 我歌非悼死，所悼时世情。

哭连州凌员外司马凌员外准也

废逐人所弃，遂为鬼神欺。才难
 不其然，卒与大患期。凌人古受氏，吴
 世夸雄姿。寂寞富春水，英气方在斯。
 六学诚一贯，精义穷发挥。著书逾十
 年，幽蹟靡不推。天庭摸高文，万一作
 寓字若波驰。记室征西府，宏谋耀其
 奇。辘轳下东越，列郡苏疲羸。宛宛
 凌江羽，来栖翰林枝。孝文留弓剑，中
 外方危疑。抗声促遗诏，定命由陈辞。
 德宗崩，途臣议秘五日下遗诏，准独抗
 危辞，言其不可，乃以旦日发丧。徒隶
 肃曹官，征赋参有司。出守乌江浒，老
 迁湟水湄。高堂倾故国，葬祭限囚羸。
 仲叔继幽沦，狂叫唯童儿。准母卒于
 家，不得归。一门既无主，焉用徒生
 为。举声但呼天，孰知神者谁。泣尽
 目无见，准哭母丧明。肾伤足不持，溘
 渴合切死委炎荒，臧获守灵帷。平行
 负国遭，骸骨非敢私。盖棺未塞责，孤
 旌凝寒飈。念昔始相遇，肺腑为君知。
 进身齐选择，失路同瑕疵。本期济仁
 义，今为众所嗤。灭名竟不试，世义安
 可支。恬死百忧尽，苟生万虑滋。顾
 余九逝魂，与子各何之。我歌诚自恻，
 非独为君悲。

巨携谢山人至愚池

新沐换轻一作巾幘，晓池风露一作雾清。自谐尘外意，况与幽人行。霞散众山迥，天高数雁鸣。机心付当路，聊适羲皇情。

独觉

觉来窗牖空，寥落雨声晓。良游忽迟暮，末事惊纷扰。为问经世心，古人难尽了。

首春逢耕者

南楚春候早，馀寒已滋荣。土膏泽原野，百蛰竞所营。缀景未及郊，穉人行耦耕。园林幽鸟啭，渚泽新泉清。农事诚素务，羈囚阻平生。故池想芜没，遗亩当榛荆。慕隐既有系，图功遂无成。聊从田父言，款曲陈此情。眷然抚耒耜，回首烟云横。

溪居

久为簪组累，幸此南夷谪。闲依农圃邻，偶似山林客。晓耕翻露草，夜榜一作埭，孔孟切响溪石。来往不逢人，长歌楚天碧。

夏初雨后寻愚溪

悠悠雨初霁，独绕清溪曲。引杖试荒泉，解带围新竹。沉吟亦何事，寂寞固所欲。幸此息营营，啸歌静炎燠。

入黄溪闻猿溪在永州

溪路千里曲，哀猿何处鸣。孤臣泪已尽，虚作断肠声。

韦使君黄溪祈雨见召从行至祠下口号

骄阳愆岁事，良牧念畜畷。列骑低残月，鸣笳度碧虚。稍穷樵客路，遥驻野人居。谷口寒流净，丛祠古木疏。焚香秋雾湿，奠玉晓光初。胖蚺巫言报，精诚礼物馀。惠风仍偃草，灵雨会随车。俟罪非直吏，为员外司马，故曰非真吏。翻惭奉简书。

郊居岁暮

屏居负山郭，岁暮惊离索。野迥樵唱来，庭空烧烬落。世纷因事远，心赏随年薄。默默谅何为，徒成今与昨。

秋晓行南谷经荒村

杪秋霜露重，晨起行幽谷。黄叶覆溪桥，荒村唯古木。寒花疏寂历，幽泉微断续。机心久已忘，何事惊麋鹿。

雨后晓行独至愚溪北池

宿云散洲渚，晓日明村坞。高树临清池，风惊夜来雨。予心适无事，偶此成宾主。

中夜起望西园值月上

业闻繁露坠，开户临西园。寒月上东岭，泠泠疏竹根。石泉远逾响，山鸟时一喧。倚槛遂至旦，寂寞将何言。

零陵春望

平野春草绿，晓一作晚莺啼远林。日晴潇湘渚，云断岫嵒岑。仙驾不可望，世途非所任。凝情空景慕，万里苍梧阴。

从崔中丞过卢少尹郊居

寓居湘岸四无邻，世网难婴每自珍。
 时吏切药闲庭延国老，《本草》，甘草名国老。开樽虚室一作席
 值贤人。泉回浅石依高柳，径转垂藤
 闲绿筠。闻道偏为五禽戏，出门鸥鸟
 更相亲。

夏昼偶作

南州溽暑醉如酒，隐几熟眠开北牖。
 日午独觉无馀声，山童隔竹敲茶臼。

雨晴至江渡

江雨初晴思远步，日西独向愚溪渡。
 渡头水落村径成，撩乱浮槎在高树。

江雪

千山鸟飞绝，万径人踪灭。孤舟

蓑笠翁，独钓寒江雪。

冉溪公易其名为愚溪者是也

少时陈力希公侯，许国不复为身谋。
 风波一跌逝万里，壮心瓦解空縲囚。
 縲囚终老无馀事，愿卜湘西冉溪地。
 却学寿张樊敬侯，种漆南园待成器。

法华寺西亭夜饮得酒字

只树夕阳亭，共倾三昧酒。雾暗
 水连阶，月明花覆牖。莫厌尊前醉，相
 看未白首。

戏题石门长老东轩

石门长老身如梦，旃檀成林手所
 种。坐来念念非昔人，万遍莲花为谁
 用。如今七十自忘机，贪爱都忘筋力
 微。莫向东轩春野望，花开日出雉皆
 飞。

全唐诗卷三百五十三

柳宗元

茅檐下始栽竹

瘴茅葺为宇，溽暑常侵肌。适有重膑疾，蒸郁宁所宜。东邻幸导我，树竹邀凉飈。欣然惬吾志，荷锄西岩垂。楚壤多怪石，垦凿力已疲。江风忽云暮，舆曳还相迫。萧瑟过极浦，旖音倚旒乃倚切附幽墀。贞根期永固，贻尔寒泉滋。夜窗遂不掩，羽扇宁复持。清冷集浓露，枕簟凄已知。网一作细虫依密叶，晓禽栖迥枝。岂伊纷器间，重以心虑怡。嘉尔亭亭质，自远弃幽期。不见野蔓草，蓊蔚有华姿。谅无凌寒一作云色，岂与青山辞。

种仙灵毗《本草》：淫羊藿，即仙灵毗也。

穷陋一作卷阙自养，疴气剧器烦。隆冬乏霜霰，日夕南风温。杖藜下庭际，曳踵不及门。门有野田吏，慰我飘零魂。及言有灵药，近在湘西原。服之不盈旬，瘳蒲结切藤音薛皆腾蹻。笑竹前即吏，为我擢其根。蔚蔚遂充庭，英翘忽已繁。晨起自采曝，杵臼通夜喧。灵和理内藏，攻疾贵自源。拥覆逃积雾，伸舒委余暄。奇功苟可征，宁夏资兰荪。我闻畸人术，一气中夜

存。能令深深息，呼吸还归跟音根。疏放固难效，且以药餌论。痿者不忘起，穷者宁复言。神哉辅吾足，幸及儿女奔。

种术

守闲事服饵，采术东山阿。东山幽且阻，疲茶乃结切烦经过。戒徒斲灵根，封植闷天和。违尔涧底石，彻我庭中莎。土豪滋玄液，松露坠繁柯。南东自成亩，缭绕纷相罗。晨步佳色媚，夜眠幽气多。离忧苟可怡，孰能知其他。爨竹茹芳叶，宁虑瘳侧界切与痿。留连树蕙辞，婉娩采薇歌。悟拙甘自足，激情愧同波。单音善豹且理内，高门复如何。

种白藟人羊切荷

血一作虫虫化为疴，夷俗多所神。衔猜每腊毒，谋富不为仁。蔬果自远至，盃酒盈肆陈。言甘中必苦，何用知其真。华洁事外饰，尤病中州人。钱刀恐贾害，饥至益逡巡。窞伏常战栗，怀故逾悲辛。庶氏一作氏有嘉草，攻衿事久泯。炎帝垂灵编，言此殊足珍。崎岖乃有得，托以全余身。纷敷碧树阴，眄睐心所亲。

新植海石榴

弱植不盈尺，远意驻蓬瀛。月寒空阶曙，幽梦彩云生。粪壤擢珠树，莓苔插琼英。芳根閤颜色，徂岁为谁荣。

戏题阶前芍药

凡卉与时谢，妍华丽兹晨。敲红醉浓露，窈窕留余春。孤赏白日暮，暄风动摇频。夜窗蔼芳气，幽卧知相亲。愿致溱洧赠，悠悠南国入。

始见白发题所植海石榴

几年封植爱芳丛，韵绝朱颜竟不同。从此休论上春事，看成古木对衰翁。

植灵寿木

白华照一作鉴寒水，怡我适野情。前趋问老老，重复欣嘉名。蹇连易衰朽，方刚谢经营。敢期齿杖赐，卿且移孤茎。丛萼中竞秀，分房外舒英，柔条乍反植，颈节常对生。循玩足忘疲，稍觉步武轻。安能事翦伐，持用资徒行。

自衡阳移桂十馀本植零陵所住精舍

谪官去南裔，清湘绕灵岳。晨登蒹葭岸，霜景霁纷浊。离披得幽桂，芳本欣盈握。火耕因烟烬，薪采久摧剥。道旁且不愿，岑岭况悠邈。倾筐壅故壤，栖息期鸾鹤。仕角反。路远清凉宫，一雨悟无学。南人始珍重，微我谁先觉。芳意不可传，丹心徒自溷。

湘岸移木芙蓉植龙兴精舍

有美不自蔽，安能守孤根。盈盈湘西岸，秋至风露繁。丽影别寒水，秾芳委前轩。芰荷凉难杂，反此生高原。

早梅

早梅发高树，迥映楚天碧。朔吹飘夜香，繁霜滋晓白一作日。欲为万里赠，杳杳山水隔。寒英坐销落，何用慰远客。

南中荣橘柚

橘柚怀贞质，受命此炎方。密林耀朱绿，晓岁有馀芳。殊风限清汉，飞雪滞故乡。攀条何所叹，北望熊与湘。熊，湘，二山名。

红蕉

晚英值穷节，绿润含朱光。以兹正阳一作阴色，窈窕凌清霜。远物世所重，旅人心独一作所伤。回睨眺林际，撼撼一作戚戚无遗芳。

巽公院五咏

净土堂

结习自无始，沦溺穷苦源。流形及兹世，始悟三空门。华堂开净域，图像焕且繁。清冷焚众香，微妙歌法言。稽首愧导师，超遥谢尘昏。

曲讲堂

寂灭本非断，文字安可离。曲堂何为设，高士方在斯。圣默寄言宣，分别乃无知。趣中即空假，名相与谁期。愿言绝闻得，忘意卿思惟。

禅堂

发地结菁茅，团团抱虚白。山花落幽户，中有忘机客。涉有本非取，照空不待析。万籁俱缘生，窅然喧中寂。心境本洞一作同如，鸟飞无遗迹。

芙蓉亭

新亭俯朱槛，嘉木开芙蓉。清香晨风远，澹彩寒露浓。潇洒出人世，低昂多异容。尝闻色空喻，造物谁为工。留连秋月晏，迢递来山钟。

苦竹桥

桥属属幽径，缭绕穿疏林。迸箨分苦节，轻筠抱虚心。俯瞰涓涓流，仰聆萧萧吟。差池下烟日，嘲啻一作嘶鸣山禽。谅无要津用，栖息有馀阴。

梅雨

梅实迎时雨，苍茫值晚春。愁深楚猿夜，梦断越鸡晨。海雾连南极，江云暗北津。素衣今尽化，非为帝京尘。

零陵早春

问春从此去，几日到秦原。凭寄还乡梦，殷勤入故园。

田家三首

蓐食徇所务，驱牛向东阡。鸡鸣村巷白，夜色归暮田。札札耒耜声，飞飞来鸟鸢。竭兹筋力事，持用穷岁年。尽输助徭役，聊就空自眠。子孙日已长，世世还复然。

篱落隔烟火，农谈四邻夕。庭际秋虫一作蛩鸣，疏麻方寂历。蚕丝尽

输税，机杼空倚壁。里胥夜经过，鸡黍事筵度。各言官长峻，文字多督责，东乡后租期，车轂陷泥泽。公门少推恕，鞭仆恣狼籍。努力慎经营，肌肤真可惜。迎新在此岁，唯恐踵前迹。

古道饶蒺藜，萦回古城曲。蓼花被堤岩，陂水寒更绿。是时收获竟，落日多樵牧。风高榆柳疏，霜重梨枣熟。行人迷去住，野鸟竞栖宿。田翁笑相念，昏黑慎原陆。今年幸少丰，无压饘与粥。

行路难三首

君不见夸父逐日窥虞渊，跳踉北海超昆仑。披霄决汉出沆漭，瞥裂左右遗星辰。须臾力尽道渴死，狐鼠蜂蚁争噬吞。北方踈人长九寸，开口抵掌更笑喧。啾啾饮食滴与粒，生死亦足终天年。睚眦大志小成遂，坐使儿女相悲怜。

虞衡斤斧罗千山，工命采斫杙音戈与椽。深林土剪十取一，百牛连鞅摧双辕。万围千寻妨道路，东西蹶倒山火焚。遗余毫末不见保，躑躅鸛壑何当存。群材未成质已夭，突兀哮豁空岩恋。柏梁天灾武库火，匠石狼顾相愁冤。君不见南山栋梁益稀少，爱材养育谁复论。

飞雪断道冰成梁，侯家炽炭雕玉房。蟠龙吐耀虎喙张，熊蹲豹踯争低昂。攒丛丛岬五各反射朱光，丹霞翠雾飘奇香。美人四向回明珰，雪山冰谷晞太阳。星躔奔走不得一作可止，奄忽双燕栖虹梁。风台露榭生光饰，死灰弃置参与商。盛时一去贵反贱，桃笙葵扇安可当。

闻籍田有感元和五年十月，宪宗诏。去，同类相呼莫相顾。
来年正月十六日，东郊籍田。

天田不日降皇舆，留滞长沙岁又除。宣室无由问鰲音禧事，周南何处托成书。

跋乌词

城上日出群鸟飞，鸦鸦争赴朝阳枝。刷毛伸翼和且乐，尔独落魄今何为。无乃慕高近白日，三足妬尔令尔疾。无乃饥啼走道一作路旁，贪鲜攫肉人所伤。翘肖独足下丛薄，口衔低枝始能跃。还顾泥涂备蝼蚁，仰看栋梁防燕雀。左右六翮利如刀，踊身失势不得高。支离无趾犹自免，努力低飞逃后患。

笼鹰词

凄风淅沥飞岩霜，苍鹰上击翻曙光。云披雾裂虹蜺断，霹雳制电捎平冈。春鹰就切然劲翮翦荆棘，下攫狐兔腾苍茫。爪毛吻血百鸟逝，独立四顾时激昂。炎风溽暑忽然至，羽翼脱落自摧藏。草中狸鼠足为患，一夕十顾惊且伤，但愿清商复为假，拔去万累一作里云间翔。

放鹧鸪词

楚越有鸟甘且腴，嘲嘲自名为鹧鸪。徇媒得食不复虑，机械潜发罹罟音嗟罕音乎。羽毛摧折触笼籞，烟火煽赫惊庖厨。鼎前芍药调五味，膳夫攘腕左右视。齐王不忍觳觫牛，简子亦放邯郸鸪。二子一作君得意犹念此，况我万里为孤囚。破笼展翅当远

龟背戏

长安新技出官掖，喧喧初遍王侯宅。玉盘滴沥黄金钱，皎如文龟丽秋天。八方定位开神卦，六甲离离齐上下。投变转动玄机卑，星流霞破相参差，四分五裂势未已，出无人有谁能知。乍惊散漫无处所，须臾罗列已如故。徒言万事有盈虚，终朝一掷知胜负。惰门象棋不复贵，魏宫妆奁世所弃。岂知瑞质耀奇文，愿持千岁寿君君。庙堂巾笏非余慕，钱刀儿女徒纷纷。

闻黄鹂

倦闻子规朝暮声，不意忽有黄鹂梦。一声梦断楚江曲，满眼故园春意生一作草绿。目极一作故园千里无山河，麦芒际天摇清波。王畿优本少赋役，务闲酒熟饶经过。此时晴烟最深处，舍南巷北遥相语。翻日迴度昆明飞，凌风邪看细柳翥。我今误落千万山，身同伦人不思还。乡禽何事亦来此，令我生心忆桑梓。闭声回翅归务速，西林紫椹行当熟。

渐鸿庐宅闻歌效白紵

翠帷双卷出倾城，龙剑破匣霜月明。朱唇掩抑悄无声，金簧玉磬宫中生。下沉秋火激太清，天高地迥凝日晶，羽觞荡漾何事倾。

杨白花

杨白花，风吹渡江水。坐令宫树无颜色，摇荡春光千万里。茫茫晓日

下长秋一作林，哀歌未断城鸦起。

渔翁

渔翁夜傍西岩宿，晓汲清湘燃楚竹。烟销日出不见人，欸乃音祇霭一声山水绿。回看天际下中流，岩上无心云相逐。

饮酒

今夕一作旦少愉乐，起坐开清尊。举觞酌音末先酒，始为酒者也。为一作遗我驱忧烦。须臾心自殊，顿觉天地暄。连山变幽晦，绿水函晏温。蔼蔼南郭门，树木一何繁。清阴可自庇，竟夕闻佳言。尽醉无复辞，偃卧有芳荪。彼哉晋楚富，此道未必存。

读书

幽沉谢世事，俯默一作然窥唐虞。上下观古今，起伏千万途。遇欣或自笑，感戚亦以吁。缥帙各舒散，前后互相逾。瘴疠扰灵府，日与往昔殊。临文乍了了，彻卷兀若无。竟夕谁与言，但与竹素俱。倦极便一作更倒卧，熟寐乃一苏。欠伸展肢体，吟咏心自愉。得意适其适，非愿为世儒。道尽即闭口，萧散捐囚拘。巧者为我拙，智者为我愚。书史足自悦，安用勤与劬。贵尔六尺躯，勿为名所驱。

感遇二首永州作

西陆动凉气，惊鸟号北林。栖息岂殊性，集枯安可任。鸿鹄去不返，勾吴阴且深。徒嗟日沉沔，九鼓惊奇音。东海久摇荡，南风已骯骯。坐使青天暮，小星愁太阴。众情嗜奸利，居货捐

一作损千金。危根一以振，齐斧来相寻。揽衣中夜起，感物涕盈襟。微霜众所践，谁念岁寒心。

旭日照寒野，鸟音豫斯起蒿莱。啾啾有馀乐，飞舞西陵隈。回风旦夕至，零叶委陈荂。所栖不足恃，鹰隼纵横来。

咏史

燕有黄金台，远致望诸君。乐毅为望诸君。嗷嗷事强怨，三岁有奇勋。悠哉辟疆理，东海漫浮云。宁知世情异，嘉谷坐燔焚。致令委金石，谁顾蠹螭时衮切群。风波欸许勿切潜构，遗恨意纷纭。岂不善图后，交私非所闻。为忠不顾内一作内顾，晏子亦垂文。

咏三良

束带值明后，顾盼流辉光。一心在陈力，鼎列夸四方。款款效忠信，恩义皎如霜。生时亮同体，死没宁分张。壮躯闭幽隧，猛志填黄肠。殉死礼所非，况乃用其良。霸基弊不振，晋楚更张皇。疾病命固乱，魏氏言有章。从邪陷厥父，吾欲讨彼狂。

咏荆轲

燕秦不两立，太子已为虞。千金奉短计，匕首荆卿趋。穷年徇所欲，兵势且见屠。微言激幽愤，怒目辞燕都。朔风动易水，挥爵前长驱。函首致宿怨，献田开版图。炯然耀一作曜电光，掌握罔正一作匹夫。造端何其锐，临事竟趑趄。长虹吐白日，仓卒反受诛。按剑赫凭怒，风雷助号呼。慈父断子首，狂走无容躯。夷城芟七族，台观皆焚污。始期忧患弭，卒动灾祸枢。

秦皇本诈力，事与桓公殊。奈何效曹子，实谓勇且愚。世传故多谬，太史征地且。

掩役夫张进骸

生死悠悠尔，一气聚散之。偶来纷喜怒，奄忽已复辞。为役孰贱辱，为贵非神奇。一朝纛息定，枯朽无妍媸。生平勤皂枵，剜秣不告疲。既死给櫜槩，葬之东山基。奈何值崩湍，荡析临路垂。髑髏暴百骸一作体，散乱不复支。从者幸告余，眷之涓然悲。猫虎获迎祭，犬马有盖帷。伫立唁尔魂，岂复识此为。畚音本锺载埋瘞，沟渫护其危。我心得所安，不谓尔有知。掩

骼著春令，兹焉适其时。及物非吾事一作辈，聊且顾尔私。

省试观庆云图诗

设色既一作初，一作方成象，卿云示国都。九天开秘祉，百辟赞嘉谟。抱日依龙袞，非烟近御炉。高标连汗漫，迴一作回望接虚无。裂素荣光发，舒华瑞色敷。恒将配尧德，垂庆代河图。

春怀故园

九扈鸣已晚，楚乡农事春。悠悠故池水，空待灌园人。

全唐诗卷三百五十四

刘禹锡

刘禹锡，字梦得，彭城人。贞元九年，擢进士第，登博学宏词科，从事淮南幕府，入为监察御史。王叔文用事，引入禁中，与之图议，言无不从。转屯田员外郎，判度支盐铁案。叔文败，坐贬连州刺史，在道贬朗州司马。落魄不自聊，吐词多讽托幽远。蛮俗好巫，尝依骚人之旨。倚其声作《竹枝词》十余篇，武陵溪洞间悉歌之。居十年，召还。将置之郎署，以作玄都观看花诗涉讥忿，执政不悦，复出刺播州。裴度以母老为言，改连州，徙夔、和二州。久之，征入为主客郎中。又以作重游玄都观诗，出分司东都。度仍荐为礼部郎中，集贤直学士。度罢，出刺苏州，徙汝、同二州，迁太子宾客分司。禹锡素善诗，晚节尤精。不幸坐废，偃蹇寡所合，乃以文章自适。与白居易酬复颇多，居易尝叙其诗曰：彭城刘梦得，诗豪者也。其锋森然，少敢当者。又言其诗在处应有神物护持，其为名流推重如此。会昌时，加检校礼部尚书。卒年七十二，赠户部尚书。诗集十八卷，今编为十二卷。

团扇歌

团扇复团扇，奉君清暑殿。秋风入庭树，从此不相见。上有乘鸾女，苍

苍虫网网虫一作遍。明年入怀袖，别是机中练。

宜城歌

野水绕空城，行尘起孤驿。荒一作花台侧生树一作柏，石碣阳镌额。靡靡度一作渡行人，温风吹宿麦。

顺阳歌

朝辞官军驿，前望顺阳路。野水啮荒坟，秋虫镂宫一作宫树。曾闻天宝末，胡马西南鹜。城守鲁将军，拔城从此去。

莫鼈 一作猥歌

莫鼈 自生长，名字无符籍。市易杂蛟人，婚姻通木客。星居占泉眼，火种开山脊。夜渡千仞谿，含沙不能射。

度桂岭歌

桂阳岭，下下复高高。人稀鸟兽骇，地远草木豪。寄言千金子，知余歌者劳。

插田歌并引

连州城下，俯接村墟。偶登郡楼，适有所感。遂书其事为俚歌，以俟采诗者。

冈头花草齐，燕子东西飞。田塍